



宛陵先生詩集序



予聞世謂詩人少達而多窮夫
豈然哉蓋世所傳詩者多出於
古窮人之辭也凡士之蘊其所
有而不得施於世者多喜自放
於山巔水涯外見蟲魚草木風
雲鳥獸之狀類往往探其奇怪

內有憂思感憤之鬱積其興於
悉刺以道羈臣寡婦之所歎而
寫人情之難言盖愈窮則愈工
然則非詩之能窮人殆窮者而
後工也予友梅聖俞少以蔭補
為吏累舉進士抑於有司困於
州縣凡十餘年年今五十猶從

辟書為人之佐鬱其所畜不得
奮見於事業其家宛陵幼習於
詩自為童子出語已驚其長老
既長學乎六經仁義之說其為
文章簡古純粹不求苟說於世
世之人徒知其詩而已然時無
賢愚語詩者必求之聖俞聖俞

亦自以其不得志者樂於詩而
發之故其平生所作於詩尤多
世既知之矣而未有薦於上者
晉王文康公嘗見而歎曰二百
年無此作矣雖知之深亦不果
薦也若使其幸得用於朝廷作
為雅頌以詠詩大宋之功德薦

之清廟而追商周魯頌之作者
豈不偉歟柰何使其老不得志
而為窮者之詩迺徒發於蠹魚
物類羈愁感歎之言世徒喜其
吾不知其窮之久而將老也可
不憐哉聖俞詩既多不自收拾
其妻之兄子謝景初懼其多而

易失也取其自洛陽至于吳興
以來所作次為六十卷予嘗嘗
聖俞詩而患不能盡得之遽喜
謝氏之能次也輒序而藏之慶
曆六年三月右正言知制誥知
滁州事歐陽脩序

宛陵先生文集目錄卷第一

西京詩

和謝希深會聖宮

右丞李公自洛移鎮河陽

上巳日午橋石瀨中得雙鯪魚

寒食前一日陪希深遠遊大字院

遊龍門自潛溪過寶應精舍

依韻和希深遊大字院

傷白雞

尹師魯治第伐樗

尹陽尉耿傳惠新栗

和楊子聰會董尉家

嶺雲

垂澗藤

秣翠

舟中遇雪

田家

涂中遇雪寄希深

妻薄命

秋日同希深席上作

和希深雨後見過

和子聰夜雨

和趙負外趙韓王故宅

春日遊龍門山寺

和希深遊府學

傷寒

觀理稼

新蘭

和希深遊樂園

錦竹

廢井

茶竈

緱山子晉祠

少林寺

少姨廟

天封觀

會善寺

啓母石

輾轅道

中伏日避暑

元政上人遊終南

寄河陽富彥國

河南受代希深示詩

秋雨

白雲和子聰

同友訪郭生別墅

水荇

黃河

王氏昆仲歸寧

荅子聰惠書

環州通判張殿丞

張太素之郊幕

孫屯田召為御史

與支納涼分題

梅花

和希深立春

尹子漸歸華

初見杏花

目錄終

宛陵先生文集卷第一



和謝希深會聖宮

三后威靈遠層巒棟宇與衣冠漢原廟歌舞魏西
 陵日月融光盛山河王氣增叢楹琢文石連網絡
 朱繩碧瓦寒鋪玉重欄瑩鏤冰粹儀神霧擁法象
 繡龍升星斗羅容衛軒墀侍股肱宸蹤耀璇榜瑞
 羽集觚稜闕殿深珠箔雕垣界綺滕笙從緱嶺咽
 雲傍帝鄉凝龜組恭來詣韶璫肅奉承欲知歸厚
 意孝德自烝烝

右丞李相公自洛移鎮河陽

侯服齊三輔天臺聳百僚新章刻銅虎舊德冠金
貂已作歌襦化方期執玉朝雙鞬辭洛宅千騎向
河橋鼓角春城暮鶯花故苑遙瓜亭猶接吟棠笑
自敷條夾道都人擁迎風駟牡驕莫隨文學乘空
望旆旌飄

上巳日午橋石瀨中得雙鰕魚
脩楔洛之濱湍流得素鱗多慙折腰吏來作食魚
人水髮粘蒿綠溪毛映渚春風沙暫時遠紫線憶
江蓴

寒食前一日陪希深遠遊大字院

一百五將近千門煙火微閑過少傅宅喜見老萊
衣晚雨竹間霽春禽花上飛禪庭清溜滿幽興自
忘歸

遊龍門白潛溪過寶應精舍

遙愛夏景佳行行清興屬安知轉迴溪始覺來平
谷古殿藏竹間香庵遍巖曲雲霞弄霽暉草樹含
新綠時鳥自綿蠻山花競紛縹莫言歸路賒明月
還相續

依韻和希深遊大字院

白傅舊宅

夫君康樂裔顧我子真派湛然懷清機超爾尋虛

界暫來香園中共憇寒松大先生醉復吟長老言
不壞信與賞心符寧同俗士愛杖屨恣遊遨池塘
仍感繁焚香露蓮泣聞磬霜鷗邁青板今已空濁
醪誰許載軟草當熊網低篁挂纓帶不覺月明歸
候門僮僕怪

傷白雞

我庭有素雞翎羽白如脂日所慮狂犬未嘗憂
雞頭棲向簷隙朝啄循階基每先烏鳥鳴不失風
雨時雖吾困廩薄尚汝稻糧遺昨宵天氣黑陰物
恣所窺潛來啣搏去但覺聲音悲開門俾馳救已

過墻東隣呵叱不敢食奪然留在茲湧血被其頸
喙呷氣甚危皓臆變丹赤霜翅兩離披憫心欲之
活碎腦安能治委瘞從爾命孰忍薑桂為猶看零
落毛蕩漾隨風吹念始託茲地蒙幸信可知充庖
豈云患度日無若飢如何遇兇獸毒汝曾不疑斯
事義雖小得以深理推鄧生賜山鑄未免終貧而
人道尚乃爾愴焉聊俛眉

尹師魯治第伐栲

伊人利營構思欲新其居匠築經舊址簷椽椳闔
栲且云忍不伐何以成吾廬人言此樹古百怪所

憑依獨秉一定議自將羣俗違乃俾執柯者丁丁
霜刃揮殲殞條百尺橫仆株數圍從茲朝夕間不
聞鳥雀喧既能考子室而復高其門周也昔騁辯
得以不材論工今誠匪度苟害安可存舟楫且非
藉薪爨聊用燔莫比溝中斷區區望犧樽

尹陽尉耿傳惠新粟

金行氣已勁霜實繁林梢尺素走下隸一奩來遠
郊中黃比玉質外刺同芡苞野人寒齋會山爐夜
火炮梨慚小兒嗜茗憶廉官拋此焉真可脫遽爾
及衡茅

和楊子聰會董尉家

董生方好雅茲日為掃扉森爾延嘉賓歡然去塵
機有客振雙袂敢言陽春暉聊停玉塵尾為歌金
縷衣古辭何稠疊無乃惜芳菲三閭不鋪糟二子
自採薇雖留千載清未免當時飢吾愛曹公詩古
來不敢非人生若朝露捨醉當何歸四座驚此語
未厭翠觴飛胡能後天地何可得輕肥沉醉且長
詠白首空獻秋

嶺雲

片雨過青天山雲歸絕嶺林際隱微虹溪中落行

影還看隴首飛復愛山間靜

垂澗藤

寒松偃澗濱弱蔓垂纒綠波繁翠帶長水澗低花
覆終日採蘋人攀條映巖曲

林翠

鬱鬱長條抽林間翠堪翦背嶺山氣濃幽人趣不
淺

舟中遇雪

曉風鳴大澤春雪下長河沙草綠堤沒楊花拂水
多驚鷗不知遠候鴈與聞過欲問耶溪轉今朝奈

興何

田家四時

昨夜春雷作荷鋤理南陂杏花將及候農事不可
遲蠶女亦自念牧童仍我隨田中逢老父荷杖獨

熙熙

草木遶籬盛田園向郭斜去鋤南山豆歸灌東園
瓜白水照茅屋清風生稻花前陂日已晚聒聒競

鳴蛙

荒村人自樂頗足平生心朝飯露葵熟夜春雲谷
深採山持野斧射鳥入煙林誰見秋成事愁蟬復

怨礎

今朝田事畢野老立門前拊頸望飛鳥負暄話餘
年自從備丁壯及此常苦煎卒歲豈堪念鷦衣着
更穿

涂中遇雪寄希深

方爲郡邑吏日與故人違極目千山碧馳心一鳥
飛岸傍村杳杳波上雪霏霏欲寄洛陽信泝流行
客稀

妾薄命

昔是波底沙今爲陌上塵曾聞清冷混金屑誰謂

飄揚逐路人悠悠萬物難自保朝看穠華暮衰老
須知鈿黛不足論何必芳心競春草草有再三榮
顏無一定好曩恩寧重持徒能亂懷抱

秋日同希深昆仲遊龍門香山晚泛伊川

觴詠久之席上各賦古詩以極一時之娛

落日川上好徘徊弄孤舟鳴榔進山口清唱發渡
頭淺瀨不可泝停橈信中流山樽對蒼翠溪鳥自
沉浮濯足破嵐影采菱臨芳洲千龕晚煙寂雙壁
紅樹秋細細石間泉搖搖波際樓澄潭若瀉鑑萬
象已盈眸康樂足清尚惠連仍此遊摘景固無遺

揮筆曾未休醉來同淵明興盡殊子猷歸傍漁梁
靜行看夜火幽露華初滴滴夜吹何颼颼不犯羣
城漏誰言憐近立

依韻和希深雨後見過小池

碧池新雨後清興一何賒有客過顏巷無貧似阮
家白醪聊泛蟻黃菊未開花既至休辭醉君其奈
歲華

依韻和子聰夜雨

憲燈光更迫宿霧晦層簷寒氣微生席輕風欲度
簾濕螢依草沒暗溜想池添況值相如渴無嫌魯

酒甜

和趙真外史在趙韓王故宅

開園勳庸大重城西第寬枯楊映樓角蔓草被墻
端不見分香妾空無聞鳴關誰來悲孔雀金翠羽
毛殘

春日遊龍門山寺

還邀二三子共到巖龍遊陰壑泉初動春巖氣欲
浮竹歲深壙寺人衰晚川舟始覺山風急歸鞍不
自留

依韻和希深遊府學

東府尊儒日中州建學初
牲牢奠商後典籍講秦
餘大法存無外群英樂
自如時慙遊聖末來駕
新轅車

傷桑

柔條初變綠春野忽飛霜
田婦搔蓬首水盤絕
腸名蠶休麥唯戴勝繞
枝翔不見羅敷騎金鈞
自挂牆

觀理稼

稂莠日已長忽忽交難
初來時露沾屨歸去月
侵鋤一腹餒猶甚百骸
動有餘吾無力畊苦謬
讀古

人書

新蘭

露柘林初靜煙梯不復收
春蠶吐絲足工女忌寒
休翠薄時方獻清泉緒未
抽閨中能自巧繡作玉
釵頭

依韻和希深遊樂園懷主人登封今

竹映紅蕖水榭開門閑乳
雀下青苔伊人何戀
五斗粟不作淵明歸去來

錦竹

此草也似竹而斑

雖作湘竹紋還非楚筠質
化龍徒有期待鳳曾無

實本與凡草俱偶親君子室

廢井

陔廢不知年石欄蒼蘚滋渴心空自煩長
汲無復語滄波坎蛙奚所及

茶竈

山寺碧溪頭幽人綠巖畔夜火竹聲乾春既茗花
亂玄無雅趣兼薪桂煩燃爨

峨山子晉祠

以下陪太尉錢相公遊嵩山七章

王子居玉京故山空寂寞猶聞遡月笙尚想賓天
鶴翠栢深古壇丹霞留迥壑芝庭誰欸扉旌旗穿

林薄

少林寺

紅旌過翠岑林際瞻蓮宇門對幾千巖花開第一
祖禪庭松色寒石室苔痕古寂寂不逢人空蒼鶯
方乳

少姨廟

靈祠古殿深少室群峯碧行雨欲隨車望巖非化
石常聞蘭氣蒸誰莫椒香液寄謝洛川妃凌波定
何益

天封觀

車馬雲外來衣露半山雨珥節扣真居捫蘿笑塵
炬迴溪響石盡靈茹抽巖塢玉楹刻年華應燕機
前古
殿石生上有唐樊宗師石法華經
之遺全題石在焉余未刻者於此

會善寺

香謁隨龍節紫紆歷寶山瑠璃開淨界祥荔啓樺
關莫茗石泉上清吟雲壑間峯端生片雨稍促盡
輪逐

啓母石

曠哉蒿室陽神怪所棲宅蒼石不知年靈熊去無
迹煙巖想桂宮苔壁疑椒掖不學舜娥悲瀟湘竹

枝碧

輾轆道

險絕稱漢關晨躋瞻一室盤紆石路回迤邐雲峯
出古壁挂青蒼天風起蕭颯洛城西首時望望平
煙密

中伏日陪二通判妙覺寺避暑

時有僧戲
琴於座上

紺宇迎涼日方床御綵衣清談停玉塵雅曲弄金
徽高樹秋聲早長廊暑氣微不須河朔飲黃茗自
忘歸

元政上人遊終南

雉節居杜陵南山常在目今茲羨行遊因以謝
谷琛錫恣探勝樓基方踐陸五門嵐翠橫人水秋
陰覆雲峯多隱見林巖乍回復若見採芝人余非
戀微祿

寄河陽簽判富彥國

籍籍名方遠人知第一流翻同貴公子來事外諸
侯地險長河急天高畫角秋仲宣應自樂寧復賦
登樓

河南受代前一日希深示詩

我昔在桐鄉伊人頗欣戴今來佐洛南事事為時

背自愧居下流無能謝前輩固乏橫草功當蒙及
瓜代且遺牒許還何用吏民愛洗眼看舊書怡然
忘字內

秋雨

雨後秋氣早涼歸室虛清既推蚊蠅勢任壯蚤蟬
聲石榴墜枝熟蒼蘚綠堦生閉門且高卧畏向泥
涂行

白雲和子聰

長憶江海間龍鳴向寒水鷓鴣蒼渚空悠悠白雲
起是時在漁舟放溜看未已今來居洛陽埃壙生

蹄靴羨君茲日心怡悵柳徒倚

同尹子漸王幾道訪郭三別墅不遇

秋野已澄曠偶來幽興多淡居隔寒水柴戶蔭喬

柯看竹曾留鳳舞朋不為楚人歸碧苔徑應識履

痕過

水荇

灼灼有芳艷本生江漢濱臨風輕笑久隔浦淡粧

新白驚煙中客紅蕖水上隣無香結珠穗秋露浥

羅巾

黃河

積石導淵源汙汙瀉崑閘龍門自吞險鯨海終騰

量怒狀生萬渦驚流非一狀淺深殊可測激射無

時壯常苦事隄防何曾息波浪川氣迷遠山沙漲

落秋漲槎沫夜浮光舟人朝發唱洪梁畫鷁連古

戍蒼崖向浴鳥不知清夕陽空在望誰當大雪天

走馬堅冰上

王氏昆仲歸寧

昨夜雪霏霏梁山吟未歸關河誰道遠鴻鴈自相

依落日入煙少寒雲驛路微共將彭澤酒稱壽向

庭闈

子聰惠書備言行路及遊王屋物趣因以答

自我河橋來清話殊未已亟言閱通疇晨駕遂遠
彼尺書忽見遺經由皆可紀草草始辭家忽忽渡
河水前村客心速入暮陰風起脩路隘且長疲驢
未能止茅居聒夜春寒天吠墟里明發西北行崗
巒踰迤邐叢藁但蒙密未見山中美谷開逢邑閭
豈謂連都鄙冠帶一二同磨礪左右比問子奚所
之俛眉聊啓齒警往登天壇煙雲隨步趾傍臨日
觀低却望嵩丘邁屑屑視塵埃紛紛若螻蟻便有
林壑心期將榮宦委我昔愛青蒼無時常徙倚今

朝羨君游勝事空聳企徒嗟黃綬身莫接青霞
安得憑羽翰幽懷寄如此

環州通判張殿丞

欲向蕭關外窮陰雪暗沙磧寒鴻馬少冰合水泉
賒自有從軍樂應無去國嗟春風曾不到吹角寄
梅花

張太素之郊幕

應幙向幽郊晨裝辭郊邸長亭欲少留飛鵠初成
曲魯酒上離顏行塵生驥足悠悠關戍遙躑躅煙
雲屬塞邑多苦寒國風遺舊俗寄音文讌餘莫待

霜條綠

孫也田召為御史

蕭續交車府恩書下建章輕軒辭瑞翟危弁學神
手祖酌方滋桂行威欲犯霜鳳毛仍襲慶雞古更
含香氣鸞翔龍闕風清振鷺行今朝洛民思東陌
盛壹漿

與諸友普明院亭納涼分題

岸憤清涼地條然樂未窮竹陰過晚雨林表見殘
虹花影平波上經聲小塢東還思醉吟者寧與此
時同

梅花

似畏群芳妬先春發故林曾無鶯蝶戀空被雪霜
侵不道東風速應愁上苑深南枝已零落羌笛寄
餘音

依韻和希深立春後祀風伯雨師畢過午橋莊

青郊誰駐馬謝客思池塘野水微波綠江梅嫩葉
黃初從真風雨遂此樂壹觴已愛幽禽語園林即
日芳

尹子漸歸華產茯苓君人形者賦以贈行

因歸話茯苓又著桐君籍成形得人物具體存標

格神岳高粹和寒松化膏液外疑石稜紫內蘊瓊
腴白千載忽旦暮一朝成琥珀既瑩毫芒分不與
蚊蚋隔拾芥曾未難爲器期增飾至珍行處稀美
價定多益

初見杏花

不待春風徧煙林獨早開淺紅欺醉粉肯信有江
梅

宛陵先生文集卷第一

宛陵先生文集目錄卷第二

西京詩

和載陽登廣福寺閣

和歐永叔同遊近郊

和永叔同遊上林院

和王幾道涂次杏花

遊園晚歸馬上

留題希深美檜亭

留守相公雙桂樓

和希深避暑香山寺

和希深晚泛伊川

路中月夕

張侍郎中隱堂

太尉相公伏日宴

送臧尉

新秋普明小飲詩序

得高樹早涼歸

新秋雨夜西齋文會

秋陰

雨中移竹

香深所居

和永叔柘枝詩

和載陽郊外

和永叔得山桂

河陽秋夕

希深惠書

送河清賈主簿

和永叔雪後見寄

和永叔黃河

季父知并州

河陰中寒寒食

再至洛中寒食

同永叔遊嵩山題

擬玉堂體七首

無題

宛陵先生文集卷第二

依韻和載陽登廣福寺閣

過聞驃騎出登覽思踰清曉漲林煙重春歸野水

平始看仙杏發已愛袂衣輕誰見吟餘處殘陽上

古城

依韻和歐陽永叔同遊近郊

洛水橋邊春已迴柳條葱蒨眼初開無人拾翠

幽渚有客尋芳上古臺林遠珍禽時一轉酒酣

日未西頽知君最是憐風物更約偷閑取次來

依韻和永叔同遊上林院後亭見櫻桃花

卷二
悉已披謝

去年君到見春遲今日尋芳是夙期
祇道朱和纔弄藥及來幽圃已殘枝
飄英尚有遊蜂戀著子唯應谷鳥知
把酒聊能慰餘景乘歡不厭夕陽時

依韻和王幾道涂次杏花有感

馬上逢丹杏芳條拂眼過
可怜荒徑少不道故園多
飽粍粘紅蠟仙葩縹薄羅
客心知易感路遠奈香何

遊園晚歸馬上希深命賦

暮盡夕陽天言歸躍杏鞦新陰六街樹
遠目萬家

煙歌咽樓千尺吟餘月一弦
花間有遊妓醉去墮金鈿

留題希深美檜亭

幽深有佳趣曾不減林泉
衆綠經新雨殘紅墮夕煙
栽萱北堂近夢草故池連
乘月時來往清歌思浩然

留守相公新剏雙桂樓

藻棟起霄間芳條俯可攀
晚雲談次政高鳥坐中
還日映城邊樹虹明雨外山
唯應謝池月來照衣
衣閑

和希深避暑香山寺

有客乘新霽雲林共扣扁輕舟過下渡遠水漲前
汀原隰含幽藹岑嵐入杳冥誰知得深趣屐齒石
苔青

和希深晚泛伊川

波溜下平波舟移不知遠稍迴溪口風恣愛雲中
巖水鳥靜相依蘆洲藹將晚歸路莫言賒柯妨乘
月返

路中月夕登霽景臺與唐英話別

風枝不動月光午沉是高臺過新雨吳客方思千
里歸不負洛陽塵與土到時水落鰓鱸肥香稻初
炊鱠紅縷休言羊酪敵尊羹我亦長吟念東楚平
胡馬嘶誰可留去去相望富春渚

張侍郎中隱堂

疇昔人歸老於茲望白雲門高知後慶賓至誦先
芬草樹中園秀衣冠舊里開寧同江令宅寂寞向
淮濱

太尉相公中伏日池亭宴會

得山字

何言避暑清宴水軒開竹氣陰池鳳雲峯照萊
山玳簪方映座綵服亦承顏樂奏寒波上杯香綠

芝間瓜浮五色爛簾捲半鈎彎今日賓裾盛素割
豈足攀

送臧尉

藹藹神仙尉西風躍馬歸離群賦黃鵠拜慶着班
衣雨氣連關黑槐花上路飛同爲洛陽客今日故
人稀

新秋普明院竹林小飲詩序

余將北歸河陽友人歐陽永叔與二三君具觴豆
選勝絕欲極一日之歡以爲別於是得普明精廬醜
酒竹林間少長環席去獻酬之禮而上不失容下

不及亂和然嘯歌趣逸天外酒既酣永叔曰今日
之樂無愧於古昔乘美景遠塵俗開口道心宵間
達則達矣於文則未也命取紙寫普賢佳句置坐
上各探一句字字爲韻以誌茲會之美咸曰永叔
言是不爾後人將以我輩爲酒肉狂人乎頃刻來
詩皆就乃索大白盡醉而去明日第其篇請余爲
叙云

得高樹早涼歸

翻然思何苦昨夜秋風高良友念將別幅巾遠此
遊清梵隔寒流亂蟬鳴古樹誰知林下游復得盃

中趣池上暑風收竹間秋氣早回塘莫苦留已變
王孫草未墜高梧葉初生玉井涼愁心異潘岳獨
自向河陽不減阮家會所嗟當北歸耿耿敢辭醉
明發此歡非

新秋雨夜西齋文會

夜色際陰霾燈青謝客齋梧桐生靜思絡緯動秋
候小酌寧辭醉清言不厭諧誰憐何水部吟苦怨
空塔

秋陰

已過蕭蕭雨猶成黯黯陰登臨潘岳田悽慄楚臣

心遠吹鳴高樹低雲肩晚夕火為關外客不忍聽
疎砧

雨中移竹

荷蕪冒秋霖忽忽移翠竹欲分漢土陰聊助池邊
綠中散林未開子猷心已足青青謝栽培豈愧凡
草木

希深所居官舍新得府相蔬圃以廣西園
楚相拔葵後蕭條三畝餘煙畦偶連吟蕙圃得增
墟便欲開春沼何妨雜野蔬始添臺榭美況近子
雲居

和永叔柘枝詞 留守相公南莊按舞

漁陽三疊音隆隆紅蕖亂折當秋風披香擁霧出
妖嬈嫵眉壯髮翻驚鴻銷銷蕪蕪離芳渚珠帽紅
靴振金縷相迎垂手勢如傾障袂倚詞欲吐最
憐應節乍低昂便轉疾徐皆可觀飄揚初認雪迴
風躑躅還看鬢紫緒小小寧聞怨曲長盈盈自解
依儔侶藝奇體妙按者誰金貂大尹宴清池綺茵
繡幄粲輝映玳簪珠履何委蛇是時郊原新退暑
天清氣爽過林野淮王載酒音嘗聞謝公携妓那
能數始知事簡樂民和不厭永觀柘枝舞

依韻和載陽郊外

近隰葱蘢曙鷺鳥睥睨啼日光林杪動吹騎管中
嘶路迤寒原古煙橫遠戍迷今來異賓主誰復歎
雄雞

奉和永叔得辛判官伊陽所寄山桂數本
封殖之後遂成雅韻以見賦

團團綠桂叢本自幽巖得惠好知不忘青葱靈改
色香生蓮幕間花白萱堂側月露夜偏滋瓊枝相

翁赫

河陽秋夕夢與永叔遊嵩避雨於峻極院

賦詩及覺猶能憶記俄而僕夫自洛來云
未叔諸君陪希深祠岳因足成短韻

夕寢北窓下青山夢與尋相歡不異昔勝事却疑
今風雨幽林靜雲煙古寺深此二句擣衣方有感
還喜問來書

希深惠書言與師魯未叔子聰幾道遊嵩
因誦而韻之

聞君奉宸詔瑞祝疑靈岫山水聊得游志願庶可
就豈無朋從俱況此一二秀方斲建春陌十刻殘
畫漏初經緱氏嶺古栢尚鬱茂却過輾轉關巨石

相撐闕夕齋禮神祠法衣被藻繡畢事登山椒常
服更短後從者十數人輕齋不爲陋是時天清陰
力氣勇奔驟雲巖杳虧蔽花草藏澗竇傍林有珍
禽驚聒若避殼盤石暫憩休泓泉助吞漱上窺玉
女窻漸絕非可構下玩搗衣碓焜耀金紋透尹子
體雄懷攀緣逾習狃歐陽稱壯齡疲軟屢顛踣競
歡相扶持芒屨資踐蹠八仙存故壇三醉孰云謬
鄙哉封祝碑數千昔鑄鏤偶誌一時事曷虞來者
詬絕頂瞰諸峯盛然輕宇宙遙思謝塵頽欲知群
鳥獸韓公傳石室聞之固已舊當時與稍衰不暇

苦尋究東崖暗壑中釋子持經呪于今二十年飲
食同猿狖君子聆法音充爾溢膚腠嘗期蠲屐過
吾儕色先愀耐遠乖真諦言茲亦甘自咎中頂會
幾望涼蟾皓如畫紛紛坐談謔草草具觴豆清露
濕巾裳誰人苦羸瘦便即忘形骸胡爲戀纒綬或
疑桂宮近斯語豈狂瞽歸來遊少室嶙峋殊引脰
石室遺通過探訪仍邂逅捫蘿上岑邃仙屋何廣
袤乳水出其間涓涓自成溜凡骨此熏蒸靈真安
可觀霞壁幾千尋四字侷篆籀咸意苔辭美誠爲
造化授標之神清洞民俗未嘗遺忽覺風雨冥無
能久瞻扣忽忽遂宵征勝事皆可復俚歌縱喧譁
怪說多駭糅凌晨關塞陽追賞顏匪厚窮極四百
里寧憚疲左右昨朝書報予聞甚醉醇耐所嗟遊
遠方心焉倍如疚

送河清賈主簿歸任

不遠水雲間悠悠泝鷁還分亭接雞犬舉酒對河
山殘雪依荒磧寒煙入暝灣昔人鸞枳數一併在
離顏

依韻和永叔雪後見寄兼云自尹家兄弟
及幾道散後子聰下路久不得歸頗有辭

索之歎

常欲登芒嶺無由見洛橋雪飛關戍迥人憶刻湊
遙廣隰嘶征鴈長河起怒飈遠言歡友散能使去
魂銷晚日窮幽藹愁雲暝沉寥縱令佳約在載酒
定何邀

依韻和歐陽永叔黃河八韻

少本江南客今為河曲遊歲時憂漾溢日夕見奔
流齧岸侵民壤飄槎閣鴈洲峻門波作箭古郡鐵
為牛目極高飛鳥身輕不及舟寒冰狐自聽源水
使嘗求密樹隨灣轉長曾刮浪收如何貴沉玉川

興是諸侯

季父知并州

捧詔出明先飛軒陟太行玉墀分近侍虎綬給新
章錦吹喧行陌旌旗卷夜霜鴈歸汾水綠城壓代
雲黃土屋春風峭羶裘牧騎狂關山寧久駐刺宴
柳溪傍

河陰中寨寒食

擊枥聲初絕為魚夢已殘幽禽啼清曉宿雨度餘
寒燮火明千竈風旗展一竿歸心慙社鷺為自數此
微官

再至洛中寒食

西洛逢寒食依依似昔年
千門方禁火九野自生
煙飄泊梨花雨追隨杏葉
鶻遊人莫惜醉風景滿
伊川

同來叔子聰遊嵩山賦十二題

公路澗

我來乘公溪斷岸猶殘壘
僵柳遠臨灣新蒲初出
水行行古臺近雨雨驚禽
起雞犬何處聞人家深
塢裏

拜馬澗

王子昔凌霓國人茲拜馬
依佛日夜笙聲入寒泉
馮空傳七日期飛鶴何時下

二室道

度嶺失羣山千峯出天際
方欣左右看屢改繁迴
勢勝事誰與同芬然有蘭蕙

自峻極中院步登太室中峯

統駕綠巖前攀蘿不知倦
人從樹杪來路向雲端
轉忽覺在煙霓回看峯嶺變

玉女窻

玉洞倚霞壁天窻露微明
驂鶴去不返啼鳥空相

驚萬木自虧蔽捫蘿復誰情

玉女擣衣石

幽石稱擣衣擣衣人不見雲纓白飄飄巖樹長葱
蒨猶應寒夜中山月來鋪練

天門

古壁何蒼蒼穿雲玉梯出岌然起青真却立觀少
室前崑復後峯陰晴狀非一

天門泉

泠泠雲外泉的的巖光入靜若仙鑑開寒疑玉龍
蟄時應下鹿羣跡印青苔濕

天池

安知最高頂清淺水池開有時片雲出倏忽生風
雷誰羨雙黃鵠刷羽來徘徊

三醉石

相期物外遊共醉仙壇石舉手薄高穹清風生兩
腋都忘塵世煩笑傲聊為適

登太室中峯

日夕望蒼崖漸漸在天外及來步其巔下見河如
帶半壁雲霧昏山根已露霈

峻極寺

山高路已窮，修竹逢蘭若。落日老僧閑，支頤古松下。緩步入樓庭，苔蒼但蕭洒。

擬王臺體七首

欲眠

鴛鴦羅薦開，翡翠香幃寂。解帶竟羞明，移燈向東壁。

携手曲

携手出中閨，殷勤尅密期。密期雖不遠，迴顧步遲遲。

雨中歸

來時雲冉冉，去值雨霏霏。莫怪羅衣濕，荆王夢裏歸。

別後

昨日日暮別，今日日暮愁。猶認縱鬟色，依依在石榴。

夜夜曲

情來不自理，明月生南樓。坐感昔時樂，纏綿成此夜。愁。

落日窻中坐

含情獨不語，落日窻中時。妾意與君意，相思只自

知

領邊繡

出門重新製織手行自整願作花工兒長年奉業
頭來不自

無題

平覺瓊枝瘦慵開寶鑑粧臨風恐仙去倚扇怯歌
長綠桂薰輕服靈符佩縹囊西隣空自賦不解到
君傍

宛陵先生文集卷第三

宛陵先生文集目錄卷第三

西京詩

和希深新秋

客鄭遇曇穎

馬判官歸闕

餞彭城公赴隨州

早行道中相逢

古意

送弟歸宣城

河南張應之東齋

河南王尉西齋

劉秀才歸河內

憶洛中舊居

武陵行

西宮怨

夏夜小庭有懷

殊兄施伯侃下第

鄭戡及弟東歸

施判官赴饒州

楊政赴官并州

歐陽寺丞桐城宰

祝熙載赴任東陽

彥國通判絳州

餘姚陳寺丞

明州鄭推官

聚蚊

賦秋鴻送劉衡州

清池

第歸觀并州

張脩赴威勝軍判官

弔唐俞

任適尉烏程

馬殿丞通判密州

夏侯彥濟武陟主簿

効昌黎體

月夜與兄納涼

隨州錢相公挽詞

僧可真東歸

廖秀才歸衡山縣

魏屯田知楚州

張子野赴鄭州

擬王維偶然作

蘇祠部通判洪州

中秋與希深別

望芒碭山

初見淮山

旌義港阻風

和劉六淮潮

舟中聞蛩

雙野鳥

和才叔岸傍古

山光寺

自急流口入金

早渡長蘆江

采石懷古

望夫山

泊牛渚磯

遊鍾音山

蕪湖口留別弟

金霞閣

送蟾上人遊南

王公慥東歸

幾道隰州判官

目錄終

宛陵先生文集卷第三

依韻和希深新秋會東堂

何必水周堂
翛然萬木涼
朋簪茲共樂
節物自迎商
巧笑承歡劇
新詞度曲長
駉鸞悲霧縠
蟻醕雲漿並
帶榴房熟
連叢桂
紫香人初投轄
醉客甚摅擲
狂鬢約寒鴉
碧衣輕舞蝶
黃流波閑任注
錯席豈依行
簾疊談宴倦
厭厭夜未央
良時誠可惜
清燕此無荒

客鄭遇曇穎自洛中東歸

禪衣本壞色
不化洛陽塵
獨有煙霞染
况將山

水觀西風入關戍宿雨過城闌誰羨飄然跡吾
車亦已巾

馬判官歸闕

與君歸洛陽仕宦頗相偶荏苒遷歲時徘徊樂
文酒今歸已及瓜為贈聊折柳亦將隨計書休
別寧嗟久

饒彭城公赴隨州龍門道上作

零雨送車輪初清遠陌塵歸藩漢東國遮道洛
陽人伊水照虹旆楚山懷玉麟征軒不可戀梗
淚返城闌

早行道中相逢

黧曉雨雲曉曉駛車馬繁唯憂不及見及見還
無言

古意

故人留雅曲今與新人彈新人聽不足復使後
人歡

送弟良臣歸宣城

喬木向溪遠秋光幾曲連將歸三畝宅遠寄下
江江伴爾唯征鴈悲余有暮蟬親朋如見問貧
外似當年

河南張應之東齋

昔我居此時鑿池通竹園池清少游魚林淺無
棲羽至今寒窓風靜送枯荷雨雨歇更人稀知
君獨吟苦

河南王尉西齋

官舍古城隅西齋何寂寂種竹幽趣深開屏翠
光滴青山露南墻落日明東壁危臺起其傍平
隰坐可觀歲暮野田空天高霜隼擊更憐風月
時幾弄林間笛

劉秀才歸河內

君家太行下應復近蘇門河氣知寒早風煙覺
暮昏犬鳴林外火笛響月中村又作山陽客逢
人為寄言

憶洛中舊居寄永叔兼簡師魯彦國

東堂石榴下夜飲曉未還緜衣濕浩露挂酒生
朱顏君同尹與富高論曾莫攀開吐仁義直極
睨天地間以此為朋樂衡門未嘗關自從北
來擾擾時少閑登危欲引望尚不見雲山有
覲夫子客袂淚瀾斑

武陵行

生事在漁樵所居亦煙水野艇一竿絲朝朝狎
清泚忽自傍藤陰乘流轉山甯始覺景氣佳潛
通小溪裏常時不見春入谷驚紅菜幽興窮綠
波翫芳心莫已花外一峯明林間碧洞啓遙聞
雞犬音漸悟人煙適捨舟遂潛行石徑劣容屣
豁然有田園竹果相叢倚老眉鬢髻人條過心
顏喜尚作秦衣裳那知漢名氏自言逢世亂避
地因居比來時手種桃今日開如綺更看水上
花幾度逐風委覽引飯彫胡邀歡酌瓊醴復呼
童稚前綠鬢仍皓齒翻遣念還茅思歸釣鯉鮪
將辭亦贈言勿道丘壑美鼓柁出仙源繁美猶
遷迤薄暮道香洲微風吹白芷他日飲重酒茫
茫何處是

西宮怨

漢宮中選時天下誰爲校寵至莫言非恩移
侍貌一朝居別館悔如何由效買賦豈無金其
如君不樂

夏夜小亭有懷

西南雨氣濃林上昏月色寒影不隨人
露白

外兄施伯侃下第赴并門叔父
共是干時者同爲失意人言趨太原名如懸元
陵親若鼓聽臨塞琴書未離身別君無半酒言
識士安貧

鄭戢及第東歸後赴洋州幕

都生方得桂王粲始從戎一舸辭吳會單車入
漢中亂山雲木古側徑野泉通欲識風煙美心
知故國同

施州官赴饒州

昔日里中舊今爲幙下英煙波歸楚國風月滿

都城食有江魚羹時無羽檄驚他年儻行縣肯
使折腰迎

楊畋赴官并州

嘗聞地近胡寒氣盛中都車馬行臨塞關山見
落榆吳鉤皆尚壯章甫幾爲儒寄謝西曹祿能
吟秀句無

歐陽寺丞桐城宰

葉落淮南樹青山徧馬頭人煙將近郭松竹不
知秋夜虎林間嘯溪泉舍下流門前仲卿廟遺
跡待君求

朱邑冢
桐在焉

祝熙載赴任東陽 李都尉客

東陽美山水之子本風流稍去何平叔還追沈
隱侯清江飛晚雨斜日半滄洲縣道行無愧煙
蘿有勝游

知卷四 彥國通判絳州

結友時未久情親心已照氛埃外自遣風月還
同調復與任浮沉未嘗趨近要以此雖處貧學
防俗者請今將辭我去盡日來談笑窮巷啟茅
茨高言出廊廟且作朱轂行聊能發光耀當亦
就銅墨遠之江海微山郭寂無喧雲川不妨釣

所嗟胡越人千里煩登眺

餘姚陳寺丞

試邑來勾越風煙復上游江湖自迎客山月亦隨
舟海貨通閭市漁歌入縣樓絃琴無外事坐見浦
帆收

明州推官鄭先輩

應幙海邊郡秋風千里歸隨潮吳榜駛轉浦楚山
微野橘霜前熟江螿露下肥還家候雲鶴人想罷
鳴機

聚蚊

日落月復昏飛蚊稍離隙聚空雷殷殷舞庭煙幕
暮蛛網徒爾施塘芥詎能磔猛蝎亦助惡腹毒將
肆螫不能有兩翅索索緣暗壁貴人居大第蛟網
圍枕席嗟爾於其中寧奈霜如戟忍哉傍窮困曾
未哀癯瘠利吻竟相侵飲血自求益蝙蝠空翱翔
何嘗爲屏獲鳴蟬飽風露亦不慙喙息晝晝勿久
待會有東方白

賦秋鴻送劉衡州

沈

秋鴻整羽翮去就自因時往春南方來遂止天泉
池天泉水清泚鴛鴦日追隨蒲藻豈不樂江湖信

所宜今朝風色便暫向衡陽歸洞庭逢葉下瀟湘
先客飛渚有蘭杜美心無稻糧卑曾緣勿爾念鷹
隼寧爾窺煙波千萬里足以資盤嬉奉前想回日
青冥生路岐

清池

泠泠清水池藻荇何參差美人留采掇玉鮪自揚
鬢波瀾日已淺龜鼈日復滋蝦蟆縱跳梁得以緣
其涯竟此長科斗凌亂滿澄澗空有文字曾非無
簡策施仙鯉勿苦羨寧將廬蛤卑徒剖腹中書悠
悠誰爾知聊保性命理遠潛江海涓泚泚曷足道

任彼蛙龜爲

第得臣歸觀并州

知君歸去心已逐秋風起明發登太行遙將望汾水
藹藹白雲下吾親正居此拜慶曷爲榮新除官美

張脩赴威勝軍判官

青驥渡河水俠氣動刀環入幕沙塵暗臨風鼓角
閑地形通栢谷秋色滿榆關誰復輕儒者難淹筆
硯間

弔唐俞

通閨年最少才俊罕能雙鵬去塵栖室竟歸霧起
窻慈親留漢水愛妾返荆江一雜絳能語梵然寄
遠邦

任適尉烏程

俛作程鄉尉折腰還自甘下峯晴照黛雲水曉澄
藍對上春田闢蘆中走吏參到時蘋葉長柳條盡
江南

馬殿丞通判密州

晨裝躡北關懷紱戴東侯地本全齊勝風仍變春
優危帆淮上去古木海邊秋相送江潭客會同十

載遊

夏侯彥濟武陟主簿

懷縣曾余往風謠為爾知寒先太行近潤接大河
早賓酒材公林晨葉翦露寒薄書行正委何似布
夜時

余居御橋南夜聞杖鳥鳴効昌黎體

都城夜半陰雲黑忽聞轉鼓聲啾啾嘗憶楚鄉有
杖鳥一身九首如贅疣或時月暗過閭里緩音低
語若有求小兒藏頭婦城火閉門雞犬不爾留我
門楚俗何苦爾云是鬼車載鬼遊鬼車載鬼奚所

及抽人之筋繫車軸昔聽此言未能信欲訪上天
終無由今來中土百物正安得遂與南方儔上帝
因風如可達願令驅逐出九州

月夜與兄公度納涼閑行至御橋

夕月吐澄明陰雲淨如掃空庭引天翠爽氣生
懷抱家近御橋頭因為橋畔遊倚欄波上影不共水
東流思歸此清夜何處是江樓四望遠寂歷微風
動颼颼觀闕垂萬象山河趨九州壯哉帝王宅顧
我一蜉蝣富貴非可取田園今向秋明當拂衣去
試與問扁舟

隨州錢相公逸詩

乘巖無往夢遊岱有飛魂墮漢隋侯國遺金漢帝
恩文章流日域忠孝在王門天道何由問秋風徧
九原
昔日傷歸國今朝歎舉輜憂愁傳楚此歿悴感周
詩文章明時訪忠言故吏知居常嗚咽涕翻作衆
人悲
去年伊水上傾府望雲岑路轉猶迴首人誰不殞
心可憐飛語後擠恨九幽深從此埋英骨空令淚
滿襟

僧可真東歸因謁范蘇州

姑蘇臺畔去雲壑付清機野策過寒水山童護衲
衣松門正投宿竹笠帶餘暉誰愛行山句使者應
姓韋

廖秀才歸衡山縣

千里倦爲客秋歸鳥榜輕過林湘橋暗收濤楚江
清晚泊親鷗鷺殘芳襲社衡長沙幾日到天際見
高城

魏屯田知楚州

淮南木葉驚爲淮上使君行天外高帆出沙頭候吏

迎夜潮通廢堞秋月滿孤城正遲文翁化從來楚俗輕

張子野赴官鄭州

畫室寄東吳一官辭上都只應乘小駟寧肯躡雙鳥
秋雨生陂水高風落廟梧梅山為余訪還有舊家無

擬王維偶然作

愁康任天性傲散喜端居自云安卑者竊比老莊
歎一月十五日頭面忘洗梳危坐恣搔虱於時懶
作書一曲情自寄一盃歡有餘尚子志所慕阮生

甘不如黃精可養壽廣澤宜觀魚不堪行作吏章服
褻猿狙

蘇祠部通判洪州

飛鷁去江西秋颺滿桂旗盧洲花白處楓岸葉飛
時沙鳥看來沒雲山愛後移高才屬滕閣家物子
卿詩

中秋與希深別後月下寄

薄霧生寒水寒寒蟻盡天傷千里別桂吐十金
圓把酒非前夕是惟憶去年南樓是佳興好在
林川

望芒碭山

出舟跳古岸林外見橋門
迴頭問榜子前墩是芒
碭其顛有高廟松柏鬱蒼蒼
迥堆阜屬蕭條苑
葉黃千古收王氣一川平
夕陽人家繞四五雞犬
自相望尚爾想新豈誰復
思沛鄉臨流一舉酒可
以喻悲傷

初見淮山

遊宦久去國扁舟今始還
朝來汴口望喜見淮上山
斷嶺碧峯出平沙白鳥閑
南歸不厭遠况在水雲間

旌義港阻風

清晨下長淮忽值秋風惡
渺瀰雲霧昏掀合魚龍
作方驚白浪高又以寒潮落
遠渚時出沒輕舟自
前却將投古戍迷偶得孤港泊
下纜寄蘆林尋村
步芒屨儻有白醪沽聊爲野田酌
茆屋何颺颺瓦
罌空索索却持杖頭歸相顧還寂寞
一夕不能眠
孤吟當狂藥

依韻和劉六淮潮

沙潮如有信時向舊痕生
始覺回波定還看曲浦
平舞鷗隨下上寒日共浮傾
後夜人無寐遙聽入

浦聲

舟中聞

秋月滿行舟秋蟲響孤岸豈獨居者愁當令客心
亂展轉重興嗟所嗟時節換時節不苦留川涂行
已半霜落草根枯清音從此斷誰復過江南哀鴻
為我伴

雙野鳥

野水雙紋翼雲羅謾自媒驚飛帶波起行唳拂萍
開暖日浮還沒寒汀去復來玉喬如可挹仙鳥此
徘徊

和才叔岸傍古廟

樹老垂纓亂祠荒向水開
偶人經雨踏古屋為風
摧野鳥棲塵坐漁郎
真竹杯林傳山尾曲
無柰楚辭哀

山光寺

楊帝故宮

古橋經廢寺蒼蘚舊離宮
栢殿秋陰冷蓮宮暮色
空鳥啼山霧裏僧語竹
林中寂實蕪城近蕭蕭
牧笛風

自急流口至長蘆江入金陵

始發碧江口曠然豁遠心
風清舟在鏡日落水浮

金瓜步逢潮信臺城過鴈音故鄉何處是雲外即
喬林

早渡長蘆江

帶月出寒浦殘星浸水濱帆開風色正舟急浪花
分霧氣橫江白雞聲隔岸聞天晴建業近鍾岫起
孤雲

采石懷古

青峯來合沓勢壓大江雄舟渡神兵後城荒王氣
空山根魚浪白巖巖石蘿紅弄月人何在孤墳細
草中

望夫山

亭亭千古曾曾是念征夫一作山頭石畏看天際
途猶如託羅蔓不似采蘼蕪時有江雲近仙衣挂
六銖

泊牛渚磯

所謂鼓吹山也
有竹可作笙管

落帆牛渚前便為牛渚宿波搖殘照中果翠浮巖
谷巘谷足幽篁石上羅寒玉裁作媧氏笙堪吹鳳
凰曲楚客夕無眠獨將清籟續更看江月來還想
燃犀燭

遊響山

火德門前勝聊東逸興遊寒鷺進溪曲古木暗城
頭高過空潭響船隨碧瀨流梅花三疊罷煙火起
滄洲

蕪湖口留別弟信臣

尖山遠辭親俱爲異鄉客昨日偶同歸今朝復南
適南適畏簡書叨茲六百石重念我當去送我江
之側溪山遠更清溪水深轉碧因知惜別情愈賒
應愈劇

金霞閣

登臨無盡興清燕日徘徊霞影綠觚落嵐光入牖

來離宮分碧瓦太液俯青槐好待邀明月瑤琴爲
一開

送蟾上人遊南嶽

葉下瀟湘閣盃浮豈道逢賓鴻不到處危約獨行
時翠嶺祝融宅喬松虞舜祠雲霞遊徧日振錫更
何之

王公慥東歸

行色上東陌秋槐葉亂飛囊無一錢用篋有古書
歸羸駟嘶寒草荒城背落暉莫嫌牛馬隔走別八
行稀

幾道隰州判官

清曉赴國門西風生早涼
天地大道出苑樹短亭
傍相看車馬色共照池水光
舉酒酒非淺明朝誰
重觴話別語難盡去後空回腸
計彼行路遠幾日
至洛陽洛陽多舊友一一道相望
失意非憔悴懷
昔無悲傷無由戀中國不久之南方
音書儻能問
鴻鴈亦將翔此外念出處便爲參與商
到官秋節
晚塞近百草黃定隨劉武威校獵赤土崗
余方楓
林下野艇泛滄浪弄月江波闊
胷衣菱葶香雖知
各所適未免涕霑裳
挾却引顧煙蕪平夕陽獨

回唯鳥影相與過林塘
朋游頓茲減客心仍未央

宛陵先生文集卷第三

宛陵先生文集卷第三

宛陵先生文集目錄卷第四

池州後詩上

池州陳生見過

春晴對月

百舌

青梅

五日登北山

得未叔回書

九月五日謝學士寄醞

答新安錢學士

春陰

植柁子樹

提壺鳥

挾彈篇

寄新安錢倅

建德新墻詩

九月見梅花

答陳五進士書

謝賓客挽歌 三首

往東流江口寄內

代內答

訪礦坑老僧

除夕與家人飲

立春在元日

遊水簾巖

詠官妓從人

夏雨

五日與陳真卿飲

彼鷺吟

感遇

雪詠

臘日出獵

和楊敏叔秋晚

田家

陶者

縣署叢竹

巧婦

聞水叔謫夷陵

聞尹師魯謫富水

寄饒州范特制

詠右丞醉圖

猛虎行

白鵬

後園桃李花

道傍虎跡行

悼李道士

野田行

水輪詠

山村行

雉詞

寄公異弟

去春城

讀范公述嚴祠碑

禽言四首

讀梅子真傳

目錄終

春晴對月

雲掃魚鱗靜天開桂魄清梨花鑑中色杜宇豈時
聲寥落將寒食羈離念故京都無惜春意樽酒為
津傾

植柘子樹二窠十一本於松側

舉世多植藥而我學種柘顏色固不別良苦誠異
宜團團綠塔側豈畏秋風吹同心誰可贈為詠昔
人詩

百舌

天憲明未明颯颯過微雨已聞高樹頭百舌間閑

語幽人枕上聽不聽盡春聲始飛去

提壺鳥

山路暗松篠幽禽語前後上言勸提壺下言勸酌
酒但取醒復醉莫問升與斗人生朝菌榮綠髮可
無負

青梅

梅葉未藏禽梅子青可摘江南小家女手弄門前
刺齒軟莫勝酸弃之曾不惜寧顧馬上郎春風滿
行陌

挾彈篇

長安細侯年尚小獨出春郊不須曉手持柘彈
霸陵邊豈惜金丸射飛鳥金丸射盡飛鳥空解衣市
酒向新豐醉倒銀餅方肯去去卧紅樓歌吹中不
管花開與花老明朝還去杜城東

五日登北山望竟渡

南方傳竟渡多在屈平祠簫鼓滿流水風煙生畫
旗千鏡速飛鳥兩舸刻靈螭盡日來江畔誰知輕
薄兒

寄新安通判錢學士

昔人言訪舟江水賦清泚冬春常一色深淺皆見

底崖日半寒潭登明動朱鯉君懷素已高塵慮都
應洗

得歐陽永叔回書云見來客問予動靜備

詳

昨日使人回聞君與之坐君問我何為但云思寡
過寡過真未能得便北憲卧此趣今已深世間誰
與和

建德新塙詩

山廡不管堵筠篁為密籬初年固可蔽晏歲不能
支已被巢蜂蠹復為荒葛藟夏雨久枯脆秋風亦

傾欹雞鷲恣穿逸牛羊來踐窺我議欲板築辭走
皆不怡首吏先進白土踈不可爲潦雨忽暴集瀾
流如突馳我心曠其極斯語其見欺用竹乃戶率
破得緣而私冬飲葺西角春調完北墜循環日有
壞煩擾無虛時介泐弗爾惑遂飭闢其基榛莽一
芟去香鋪能悅隨膏潤非朽壤峭削隱金鏈荏苒
未踰月屹如長雲垂疏濬備水害既巧復蓬茨豈
唯禦糴約亦以防狐狸且有內外隔絕聞閭巷罕
安然茲燕息來者勿吾墮

九月五日得姑蘇謝學士寄木蘭堂官醞

公田五十畝種秫秋未成杯中無濁酒案上唯丹
經忽有洞庭客美傳烏與程言盛木蘭露釀作甕
間清木蘭香未歇玉盞貯華英正值菊初坼便來
花下傾一飲爲君醉誰能解吾醒吾醒已不解百
日毛骨輕

九月見梅花

江南風土暖九月見梅花遠客思遶草孤根暗磧
沙何曾逢寄驛空自聽吹笳今日樽前勝其如秋
鬢華

新安錢學士以近詩一軸見貺輒成短言

用叙單悃

早事太尉府謬以才見論身作邑中吏日陪丞相
尊嵩山雲外寺伊水渡頭村泉味入香茗松色開
清罇題詩人半醉馬上景已昏歸來屬後乘冠蓋
迎國門悠悠失貧賤冉冉歷涼温而今處窮僻落
莫思舊恩終日白鮮適終年長不言已覺人事寡
惟聞雞犬喧東風有來信滿幅蘭與蓀深知故人
意遺我滌冥煩一章言畫谿好如目存何須到
雲壑便若遊花源一一先造化可以輕瑤琨成誦
本在口願將醒病寬

答陳五進士遺山水枕屏

妙畫能成趣谿山迥得君漁舟長映浦巖樹半藏
雲征鳥無時沒橫橋有處分數峯來枕席曾不愧
移文

謝賓客挽歌三首

位不登三事才宜列四科清名時自得華冕世空
多望氣悲埋劍臨風歎逝波吳阡蒿作里楚挽薤
成歌會葬千人至來觀數郡過無由親執紼東首
淚滂沱

自昔居門下游觀必許借豈將千里別遂作九泉

非已恨霜松折行嗟玉樹埋蒼生空有望丹旄不
勝懷曩日言歸里飛章願乞骸今朝赤松畔煙壠
對蒼崖

當年罷會稽還郡錦為衣老作龍樓貴終將鳳沼
違英魂遊岱去石柳渡江歸揚子春風惡南徐過
客稀衆帆看屢滿素舸獨如飛始見中郎孝松門
自有輝

往東流江口寄內

艇子逐溪流來至碧江頭隨山知幾曲一曲一增
愁巢盡有翠鳥雄雌自相求擘波投遠空丹喙橫

輕憐呼鳴乃不已共咏向蒼洲而我無羽翼安得
與子遊

代內答

結髮事君子衣袂未嘗分今朝別君思歷亂如絲
棼征僕尚顧侶嘶馬猶索群相送不出壺倚櫬羨
飛雲日暮秋風急雀聲簷上集併作千里愁愁極
翻成泣

訪礦坑老僧

山深無外事日夕愛潺湲趺坐樹間石力耕溪上
田解言南國事能詠碧雲篇莫貴遠公酒余非陶

令賢

除夕與家人飲

莫嫌寒漏盡春色來應早
風開玉砌梅薰歎金爐
草稚齒喜成人白頭嗟更老年華箇裏催清鏡寧
長好

立春在元日

新春與新歲時候不相先
未肯欺殘臘何曾占舊
年綴條花翦綵挿戶柳生煙
獨坐空山裏唯驚節物遷

遊水簾巖

春山時獨往
榛蕪旋變新
飛泉蔽幽巖
香鶴疏朝旭
光垂白龍髯
鳴漱寒潭玉
半壁生畫
寒陰草潤秋
綠穿藤出
溪口流沫
紫山足莫
遣史人來
方歌白雲曲

詠官妓從人

少為輕薄悞
失行落優倡
去作小家婦
願同貧里
裝無心歌
子夜有意
學流黃
他日東郊
土誰人
死採桑

夏雨

林梅初弄熟
密雨閉重閤
潤衰衣
巾上涼生
竹樹

間水聲通遠澗雲色暝前山野鳥寂無語公庭盡
晝閑

五日與陳真卿飲

五日逢南國三年別舊都招魂傳楚客撫節見靈
巫蒿艾因時採蛟龍為俗驅清罇與鷺炙竹此致
人俱

彼鷺吟

斷木喙雖長不啄栢與松松栢本堅直中心無處
蟲廣庭木云美不與松栢比臃腫質性虛朽蝟招
猛鷺主人赫然怒我愛爾何毀彈射出窮山群鳥

亦相喜啁啾弄好音自謂得天理哀哉彼鷺為禽鳴
血徒為爾鷹鷂不得擊孤兔縱橫起況茲樹腹息
力去宜瀆死

感遇

眾默瘖莫辨眾寐盲不知問而使之對覺而使之
窺瘖盲自窮矣所感在一時苟昧哲人理寐默定
妍媸

雪詠

雪色混青冥寒悻宿酒醒龍蛇綠古木鳳鶴舞
庭密勢因風力輕姿任物形公堂何寂寞橫按對

玄經

臘日出獵因遊梅山蘭若

我與二三騎爭馳孤戍旁
逐麋逢野寺息馬據胡
床
鷹想支公好人思灞上
狂歸來何薄暮煙火照
溪光

依韻和揚敏叔吳門秋晚見寄

方在洞庭上秋懷那得禁
西風楚波急度鴈海雲
陰洛客吟初苦騷人思已
深顛毛隨日減冉冉不
勝簪

田家

南山嘗種豆碎葉落風雨
空寂一束其無物充煎

陶者

陶盡門前土屋上無片瓦
十指不露泥鱗鱗居大
厦

縣署叢竹

裊裊幽亭竹團團自結叢
寒生綠罇上影入翠甃
中陶柳應慙弱潘花只
竟紅方持雪霜操不敢倚
春風

巧婦

巧婦口流血辛勤非一朝
秀茶時補紘風雨畏
播所託樹枝弱而嗟
集室翹周公誠自感
聊復貳

聞歐陽永叔請夷陵

其在西都日居常慷慨言
今嬰明主怒直雪諫臣
寬請向蠻荆去行當
霧雨繁黃牛三峽近
切莫聽
悉猿

聞尹師魯請留水

朝見諫臣逐暮章從請官
附炎人所易抱義爾惟
難寧作沈泥玉無為媚
渚蘭心知歸有日時向
斗

牛看

寄饒州范待制

山水番君國文章漢侍臣
古來中酒地今見獨醒
人坐嘯安浮俗談詩接
上賓何由趨盛府徒爾
望
清塵

詠王右丞所畫阮步兵醉圖

右丞筆通妙阮籍思玄虛
獨畫來東平倒冠醉來
驢力頑不肯進俛首耳
前趨一人牽且顧二士
旁
挾扶挺鞍舉雙足閉目
忘窮途想像得風度
纒老
古衣裾玉骨化為土丹青
終不渝而今幾百歲乃

有胡公疎買石遂留刻漬墨許傳模白黑就粵集
毫芒辨精麤千古畜深意終朝懸座隅誰謂且天
紙不慙雲霧圖

猛虎行

山木暮蒼蒼風淒郊葉黃有虎始離穴熊羆寔
當掉尾為旗轟磨牙為劍鋌猛氣吞赤豹雄威躡
封狼不貪犬與豕不窺藩與墻當途食人肉所獲
乃堂堂食人既我分安得為不祥麋鹿豈非命其
類寧不傷滿野設罝網竟以充圓方而欲我無殺
奈何飢餒腸

白鵬

喬木暗青山晴川下白鵬春雲生嶺上積雪在
間綠草張新翳柔冠總翠鬣時裁養文素不是雜
斑斑

後園桃李花

後園桃李花灼灼復皎皎南枝開已繁北枝索尚
少蕩蕩相輝映根本自鈎繞無為驚風吹紛紛逐
飛鳥

道傍虎跡行

朝履猛虎迹暮宿猛虎林猛虎終夜嘯陰風生遠

舉我懷何所畏所畏在官箴傷哉此遺體冒險輕
百金

脩真觀李道士年老貧餓無所依忽益死
因為詩以悼之

唐室王子後黃冠事隱淪餐霞不滿腹披雲不蔽
身八十不能死縊以頭上巾始慕老莊術終厭道
德貧營營求長生反困甑中塵

野田行

輕雷長陂水農事方及辰茅旌送山鬼瓦鼓迎田
神青臯暗藏雉萬木欣已春桑間偶耕者誰復來

問津

水輪詠

孤輪運寒水無乃農者營隨流轉自速居高還復
傾利繞吠澗間功欲霖雨并不學假混沌亡機抱
甕瓦罌

山村行

征馬去不息幽禽隨處聞深源樹翁斲曲塢花蓋
蓋淡淡平田水濛濛半嶺雲長髮弄春女溪上自
蒲裙

鳴雉詞

雄雉鳴桑林雌雉雉麥隴結愛誠有宜別啄義亦
殊哺雛深莽中推顏錦翅擁辛勤何爾為應自念
遺種

寄公異弟

池塘去後春一及生綠草無由夢阿連詩句何能好

去春城

前日去春城今朝還故陌馬有甚煩意人多遠行
色暫爾厭風埃那堪為久客

讀范桐廬述嚴先生祠堂碑

二地志不同相得榛莽裏一地化為龍一地化為

雉龍飛上高衢雉飛入深水為辰首得宜潛游滄
海淡變化雖各殊有道固終始光武與嚴陵其義
亦云爾所遇在草昧既貴不為起翻然歸富春曾
不相助治至今存清芬煇赫耀圖史人傳七里灘
昔日來釣此灘上水濺濺灘下石齒齒其人不可
見其事清且美有客乘乘輪徘徊想前軌著辭刻
之碑復使存厥祀欲以廉貪夫又以立懦士千載
名不忘休哉古君子

禽言四首

子規

不如歸去春山云暮萬葉不考參雲蜀天子何處人
言有翼可歸飛安用空啼向高樹

提壺

提壺蘆沽美酒風為賓樹為交山花繚亂目前開

勸爾今朝千萬壽

昔日來山鳥

姿餅焦兒不食爾父向何之爾母山頭化為石山

頭化石可奈何遂作微禽啼不息

泥滑滑苦竹崗雨蕭蕭

馬上即馬蹄凌兢雨又急

此鳥為君應斷腸

讀漢書梅子真傳

子真實吾祖耿介仕炎漢權臣始擅朝忠良被塗

炭輦下莫敢言上書陳治亂是時卿大夫曾不負

愧汗其文信雄深爛然今可玩危言識禍機滅迹

思汗漫一朝弃妻子龍性寧壽絆九江傳神仙會

稽隱屢雨舊市越溪陰家山鏡湖畔唯餘千載名

撫卷一長歎

宛陵先生文集卷第四

宛陵先生文集目錄卷第五

池州後詩上

贈黃庭筠舉進士

贈陳真卿秋試

范夫人挽詞

寄題石埭碧瀾亭

古意

聞鴈寄歐陽

觀放鷄子

夜聞居人喊虎

和滕公游穿山洞

秋日詠蟬

弔礦坑惠燈上人

班竹管筆

觀博陽山火

送謝舍人奉使

食橙寄謝舍人

採白朮

寓言

送李尉之邵武

銅坑

朝日

失鷓鴣

過小石潭

縣齋對雪

對花有感

山中夜行

啄木

夢與公度同賦

和綺翁遊齊山寺

池州後

范待制約遊廬山

范饒州語食河豚

徐元與邀遊山

和元與遊春

留別李君

離燕湖

寄馬祕書

寄建德徐元與

詠首霜

汴河雨後呈同行

夏日汴中作

夢故府錢公

謝紫微寄畫鷲

宿州河亭書事

晚泊觀閩鷄

聞表兄施先輩上第

雍丘逢錢寺丞

廟子灣辭

送蔡侍禁赴長沙

送馬廷評之餘姚

送李寺丞

送馬廷評知康州

過鳴鴈城

送余駕部知江州

和陳祕校見寄

送張子野知鹿邑

送王紫微北使

九月都下對雪

答劉弟示詩

劉秀才見過

和劉敬秀才

和劉十秋霖

送劉十往荆渚

...

...

...

...

...

目錄終

宛陵先生文集卷第五

贈黃庭筠舉進士

橘柚生南國幽林日葱蒨上有嘉禽鳴五色披餘
絢彼美發華英厥包待秋薦根本當自持無為風
土變

和滕公遊穿山洞

洞口水石淺潺潺瀉綠蒲綠源進巖竇陰黑入境
殊中言有物怪蟠蟄春未蘇霖雨雖有意風雷莫
有扶風雷自鼓盪不火當何如幸欣禪林近鍾梵
來有無回策履幽迳衣香草露濡老僧長松下麋

鹿與之俱溪雲時見起山鳥自相呼羨爾得茲樂
何用勞形軀

陳真卿將有秋試倏見訪不日告行送於
北門歌鵲庭爲五言以贈

送君北崗上舉酒歌黃鵠黃鵠去何高天池待棲
宿寧復戀江湖聊茲混雞鷺暉暉振羽裳不羨淵
明菊

秋日詠蟬

群蟲喜炎熱此獨愛高陰薄蛻聊依葉清聲已出
林人閑感衰節風急雜遙砧虛腹曾何竟常憂蟬

斧後

范饒州夫人挽詞二首

聽飲大夫日止言京兆辰常憂伯宗直曾識仲卿
貧蒿里歸魂速芝山旅殯新江邊有孤鶴嘹唳獨
傷神

君子喪良偶拊棺哀有餘莊生慙擊缶潘岳感游
魚夕苑凋朱槿秋江落晚葉猶應思所歷入室淚
連如

弔礦坑惠燈上人

生棲雲際巘沒葬寺傍村破案殘經卷新墳出樹

根松悲隔溪路月照舊山門自昔多詩句而今幾
詩存

寄題石埭權縣樂尉碧瀾亭

遙知溪上亭秋水漾泠泠雲影無時翠嵐光列座
清危接喧晚鼓驚鷺起寒汀聊作淵明飲臨流酒
易醒

斑竹管筆

翠管江潭竹班班紅淚滋東毫何勁直在橐許操
持欲寫湘靈怨堪傳虞舜辭蔚然君子器安用俗
人知

古意

月缺不改光劍折不改剛月缺鬼易滿劍折鑄復
良勢利壓山岳難屈志士腸男兒自有守可殺不
可苟

觀博陽山火

十月原野枯連山起狂燦高焰過危峯飛火入遐
嶠玉石被焚灼誰能見輝耀棟樑失輕捷亦不暇
相弔長風又助惡怒號生萬竅炎炎赤龍奔劃劃
陰電笑頽傾寒江潮勢逆難沃澆願傾天河水雖
順雲衢遙青松心已爛蔓草根未焦小農候春鋤

寒客失冬樵誰知兼并子平陸閑肥饒不易天地
意長養非一朝

聞鴈寄歐陽夷陵

閑坐獨無寐鴈來更未闌聲長河漢迥影落戶庭
寒荆楚橘包熟瀟湘楓葉丹南飛過三峽試問故
人看

送謝舍人奉使北朝

漢使下西清胡人擁道迎寒笳隨宿堡衛甲出孤
城犯雪貂裘重衝風錦綬輕山川辭國遠車騎踏
沙行投館匱爲幄供庖酪和羹戎王拜天賜虜帥

伏名卿紫塞千烽靜黃雲萬里平甘泉歸奏日重
見鳳池榮

觀放鷓子

白晳少年子秋郊臂蒼隼日暖飢目開風微雙翅
緊草際鳴鶉驚蒿間黃雀窘下韉誠必獲得俊還
復晒碎腦此非辜食肉爾何忍取樂在酒更我心
良惻惻

食橙寄謝舍人

洞庭朱橘未弄色襄水錦橙已變黃玉臼搗薑恰
繪美金盤按酒助盃香雖生南土名猶重未信中

州客厭嘗欲寄白苞憑驛去只應佳味怯風霜

夜聞居人喊虎

猛虎豈云猛潛藏伺天昏行行出叢薄稍稍入孤
村孤村何所利所利犬與狔誰知仁者勇去惡義
自敦

採白朮

吳山霧露清群草多秀發白朮結靈根持鋤採秋
月歸來濯寒澗香氣流不歇夜火煮石泉朝煙徧
巖窟千歲扶玉顏終年固玄髮曾非首陽人敢慕
食薇蕨

寓言

寒燈不照遠光止一室明小人不慮遠義止目前
榮燈既無又焰人亦無又情誰言結明月明月豈
長盈

送李尉子京之邠武光澤

母老不擇祿一官勤夙興長河未結凍去客已懷
冰露蟬不飽腹志士甘曲肱遠方人所畏所畏非
所兢

銅坑

碧嶺不出土青山鑿不休青山鑿不休坐令鬼神

愁

朝日

日色繞出海曉月無光彩曉月在青空不與日色
同誠知大君德照耀無不通

失鷓鴣

愛翫日已久開籠為馴故燕臆雪花圓連袂浪紋
素鈎轉格磔鳴耗耗翻翁去誰知煙渚深綠水脩

篁亂

過小石潭

樹老石連潭潭深煙翠入群魚石下游獨鳥潭上

立泉暖草長綠山高風自急徘徊興不窮苔履雲
露濕

縣齋對雪

密雪夜來積起見萬物春山川忽改色草木一以
新古邑失荒穢王路覆平均從茲慶豐年蹈詠慙
小臣

對花有感

新花朝竟妍故花色顛顛明日花更開新花何以
異

山中夜行

孤客心多恐寒風夜度溪山長羸馬困月黑怪禽
啼遠火生樵舍荒榛亂野躋喜言林館近聞犬入
猶迷

咏木

中園咏盡靈未有出林飛不識黃金彈雙翎墜落
暉

夢與公度同賦藕華追錄之

吳王舊宮闌水殿芙蓉披濁泥留玉骨疑是苑西
苑西苑竟不滅嬌艷照清池

和綺翁游齊山寺次其韻

蒼山南望截雲煙中有紺宇通諸天長橋直度清
溪水寒湖收潦曠平田古木陰森大堤上千峯漲
淡高樓前龍笳未迸角出縮虎石亂踞筋拳攀陰
崖乳泉濕苔蘚陽谷暖氣留蘭茝澗戶曉關煙的
的松軒夜啓月娟娟聞有謫仙乘輿入飄然欲拍
洪崖肩玩遊逐勝不覺遠露竒發怪工無全捫蘿
但識康樂徑飲酒安問遠公禪清猿不到俗士耳
香草已入騷人篇水鳥念佛次淨界野鹿嚼花來
象筵在昔探賞猶可數深景秀句今得傳辭韻險
絕茲所駭何特杜牧專當年重以平淡若古樂聽

之疏越如朱絃秘藏楮中為不朽咨諏坐上皆曰
然誰意宸官獲此既洗去鄙吝空池邊聊欲報言
罕驛使春郊唯見鴈連連

池州後詩下

范待制約遊廬山以故不往因寄

平昔愛山水茲聞廬嶽遊遠期無逸興獨往畏瀟
流舉手謝雲壑棲心慙鳥鷗香爐碧峯下應為一
遲留

范饒州坐中客語食河豚魚

春洲生荻芽春岸飛楊花河豚當是時貴不數魚
鰕其狀已可怪其毒亦莫加忿腹若封豕怒目猶
吳蛙庖煎苟失所入喉為鑊鉞若此喪軀體何須
資齒牙持問南方人黨護復矜誇皆言美無度誰
謂死如麻我語不能屈自思空咄嗟退之來潮陽
始憚食籠蛇子厚居柳州而甘食蝦蟇二物雖可
憎性命無舛差斯味曾不比中藏禍無涯甚美惡
亦稱此言誠可嘉

徐元與見邀與諸君同遊至峯山溪上作

春霽重行行行在墟里憶懷厭樓觀寓興欣山
水斷壁翠連雲寒流清見底主人開綠樽下馬臨

芳芷澄溜瀉灣濬跳波生石齒園林始弄草臯隴
時鳴雉談譎亡機心笑言驚俗耳曠哉茲日遊何
羨稽山美

和元興遊春次用其韻

乘閑多遠興信馬與君行碧樹斜通市清流曲抱
城山花高下色春鳥短長聲日暮吾廬近還歌空
復情

留別李君君頗有歸意而未遂

酌我樽中酒知君羨北埽如何沙上鳥遠逐片帆
飛

離燕湖至觀頭橋

江口泊來久菰蒲長舊苗爭鷓洲鵲鬪遺子浦魚
跳宿岸欣逢戍婦船競趁潮時時望鄉樹已恨白
雲遙

馬秘書始約同行久而未至因以寄

渡江落我前入汴居我後日日是南風時時為迴
首蓬船一借問遠棹見來否明朝儻相及閑步河
堤柳

寄建德徐元興

才子方為邑千峯對縣門靜寒琴意古閑厭鳥聲

宣山茗葉仍綠池蓮摘更繁
詠庭下長
蘭蓀

詩首霜

首霜來西域葡萄亦既隨
胡人初未惜漢使始欲
持宛馬當求日離宮舊種
時黃花今自發撩亂牧
牛坡

汴河雨後呈同行馬秘書

雨霽晚虹收河堤淨如掃
清陰拂人樹翠色垂流
草漢漕走王都華言雜夷
獠時方同馬生野泊聊
論道

夏日汴中作

倚棹望平野低雲密未收
黃鸝度高柳婦燕拂行
舟濁水不堪照清江空憶
遊晚晴蒸潤劇啼月見
吳牛

夢故府錢公

故相方來夢分明接座隅
只知冠劍是不道死生
殊西府看如舊東山詠久
徂遽然興寤歎不覺淚
霑鬢

謝紫微以畫鷺二軸為寄

白鷺畫雙素粉毫幽趣多
翹沙依折葦刷羽對寒

荷浦思懸秋聲江情憶釣蓑因君遠相寄時詠對
滄波

宿州河亭書事

遠泛千里舟暫向郊亭泊觀物趣無窮適情吟有
託林中鳴舅獐席上蠅虎攫雨久草苗盛田蕪瓜
蔓弱香粳稚子慣脫粟家人薄少年都下來聊問
時所作新衣尚穿束舊服變袞博我今貧且賤短
褐隨宜著

晚泊觀鬪雞

丹子抱雛來雄雄踣高岸側行初取勢俯啄示無

憚先鳴氣益振奮擊心非悞勇頸毛逆張怒目疇
裂肝血流何所爭死鬪欲充玩應當激猛毅豈獨
事晨旦勝酒人自私粒食誰爾喚朽懷彼興魏傍
睨當衰漢徒然驅國衆曾靡救時難群雄自苦戰
九錫邀平亂寶玉婦大女姦干戈託奇筭從來小資
大聊用一長歎

聞表兄施先輩上第

昔人事功名五十未為老而今君已及得桂誠非
早所慰白頭親且將黃綬好吾始日夜心望盡京
闈道拜慶早歸來莫變秋庭草

雍丘逢錢寺丞載陽

殷勤魏公子落莫吳王孫下客獨垂淚傷心思舊

恩人車隨車正下木成失而令孫已及對其

廟子灣辭

廟子灣風俗云有白龍憑險日為浪潮以驚異上
下余過而作辭云

我之東來兮過彼雍丘舟師奏功兮濁水湍流歷
長灣兮勢曲鉤傾高斗折兮若奔虬潛伏怪物兮
深幽幽發作暴漲兮為潮頭土人立祠兮在彼沙
洲老木蒼蒼兮蟬噪秋輸卒引緯兮蓬首躡體

劇縲囚赤日上煎兮膠津感氣塞咽喉骨盡肩挨
同斃牛足進復退不得休竟持紙幣挂廟取微風
飄揚如喜收我今語神神聽不何不歸海事陽侯
穹魚大龜非爾傳奚必區區此汴清驚為愚駭俗得
看羞去就當決何遲留

送蔡侍禁赴長沙

寒葉下瀟湘之官逐鴈行水經菱浦晚船過橘洲
香二女竹林外三閭楓葉傍平時息戎律物景助
才章

送馬廷評之餘姚

越鄉知勝楚君去莫辭遙曉日魚蝦市新霜猶袖
橋河流通海道山井應江湖近邑逢鷗鳥先應避
畫橈

送秀州海鹽知縣李寺丞

吳帆千里去邑屋富魚鹽霜鶴亭臯喚風烏海客
占滄涼朝日近紫翠晚山尖若過陸機宅寒蕪應
不嫌

送馬廷評知康州

南去晉康郡風帆幾千里薛家上洞庭落葉過湘
水瀧吏迎使君壺漿出蠻壘問俗言未通觀風想

先喜曾非異方趣頗與華人擬期子寄梅花無由
問行李

過鳴鴈城

九月過鳴鴈斜陽上廢臺兵車千載會桑柘萬疇
開代謝隨秋草英靈化死灰我來空誅古寒鳥有
餘哀

送余駕部江州

內史九江行潦收波已清何時鷁舟上遠見爐峯
迎野色連葭莢秋香薦橘橙寒潮如特送不肖過
湓城

依韻和陳祕校見寄

鬱鬱東堂桂常期接袂攀羽翰殊不及蓬華却空
還江水幾經歲鑑中無壯顏音塵能見問誰道隔
雲山

送張子野祕丞知鹿邑

忽作五年別相逢雙鬢疎不知從此去當見復何
如公秣時為酒晨庖日有魚沛蕪風物美聊以樂
琴書

送王紫微北使

天子命儒臣遐方重專對持書下西閣擁節來窮

塞貂服紫蒙茸虎旗光綵綵將迎走虜騎衛從羅
金鏡當宣漢恩德更使胡欣戴幾日過陰山南飛
鴈相背

九月都下對雪寄求對師魯

陰風中夜鳴密雪逗曉積誰言有蓬巷但見鋪瑤
席忽憶在山中開戶群峯白當時吟不厭盡日坐
崑石傍徨懷故人憔悴為遷客欲泛剡溪船路長
安可適

蜀弟示詩一軸走筆答之

昔與伯氏吟青銅照人髮今又讀君詩寒冰徹人

骨時時探古趣往往到月窟清濟流不休終期至
溟渤

劉十秀才見過尋以為寄次韻和酬

敢言破崖岸塵事盡磨刮况此氣澄明幽襟亦軒
豁竟日坐衡茅同心異胡越吾道今不孤長吟為
君發

依韻和劉敞秀才

安得采虛名師道欲吾廣雖然存術業曾不計少
長孔孟久已亡富貴得亦儻後生不聞義前輩懼
為黨退之昔獨傳力振功不賞舌吻張洪鍾小大

扣必響近世復泯滅務覺多忽恍今子誠有志在
駕已屢枉自慙懷道淺所得可下上正如種青松
而欲託朽壤典冊皆可尋聖言皆可仰幸與增我
過此語固不爽

依韻和劉十秋霖

秋草更綠秋林衰長安遊客未成衣淒淒斗欲
變寒色一夜獨語看燈輝

送劉十往荆渚

臨水一太息解舟當落暉上樓人已遠極目鳥空
飛荆楚時方晏江湖客未歸定知吟憶颯林外月

先發

大息籍世當茲朝上對入曰

志隱才對條

妻妾色一

宛陵先生文集卷第五

外簡味隱

地誌固不與

西晉書曰聚天品下

焉曰曩者自冥初

叶必響世世則知



